

Šemsudin Mehmedović

1. Pitanje postavljeno Vijeću ministara BiH, u ime Kluba poslanika SDA: „Prema pouzdanim informacijama, službenici MUP-a RS-a obilaze teren u povratničkim naseljima i nezakonito vrše provjere boravišta i prebivališta građana. Ako na adresi ne pronađu nikoga od lica, sačinjavaju službenu zabilješku na osnovu koje se lica brišu iz evidencije građana, koja imaju prebivalište na području te mjesne zajednice, odnosno općine. Tražim od Vijeća ministara BiH istinitost, da provjeri istinitost ove informacije, te ako je tačna, zahtijevamo hitnu reakciju, jer je riječ o protuustavnoj i nezakonitoj aktivnosti. Također, tražimo da se vinovnici ove aktivnosti podvrgnu odgovornosti zbog zloupotrebe službenog položaja, kao i da se ponište posljedice do sada učinjenog.“
2. Pitanja postavljena Zajedničkoj službi Sekretarijata Parlamentarne skupštine BiH:
 - 1) „Tražim da mi se dostavi pregled putovanja u inozemstvo svih članova Parlamentarne skupštine BiH, s troškovima putovanja koje je platila Parlamentarna skupština BiH u 2012. godini.
 - 2) Da mi se dostavi spisak poslanika i delegata s ukupnim primanjima po osnovu učešća u radu u ad hoc i drugim komisijama, za koje oni primaju nadoknadu. Podatke dostaviti za 2012. godinu i za oba doma Parlamentarne skupštine BiH.“
3. Pitanje postavljeno Kolegiju Predstavničkog doma i Zajedničkom kolegiju oba doma Parlamentarne skupštine BiH: „Kada će Kolegij Predstavničkog doma Parlamentarne skupštine BiH i Zajednički kolegij oba doma početi planirati aktivnosti u Parlamentarnoj skupštini BiH, kao i međunarodne aktivnosti usklađivati s aktivnostima u Predstavničkom domu i komisijama jer je sve više odsutnih poslanika sa sjednica komisija, čime je onemogućen rad zbog nedostatka kvoruma.“